



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

6. Religiosis quàm sint necessarij.

[urn:nbn:de:hbz:466:1-47032](#)

viro vel omnes iam virtutes inint, vel certè earum sit ei consecutio facillima: quid hunc à summa fortitudine retardet, quem pericula, terrores, dolores, infamia, & acerbissima quæque adeò non exterrent, ut blandimenta potius, vel ad summum puerorum terriculamenta videantur? quid eius temperantiam emolliat, cui dulcia, lenia, blanda, & sensibus arridentia omnia naufragia commouent? quis affectus offendat prudenti iudicio tenebras, cum numquam nisi viuis & solius summi Dei amore in partem ullam feratur? quid illi sit in obediendo difficile, cui, præ laborandi patientiæ desiderio, ipse in quietem labor, in solatium dolor, in serenum omnis abiit tempestas? Videas mihi eiusmodi viri mores, motuque omnes mira æquabilitate compositos, decoros, latentiumque virtutum non obscura signa prædentes: superciliosum, vel austерum nihil in vultu; leue, lubricum, curiosum nihil in oculis; nihil ullo in gestu indecorum, placidissimæ mentis omnina nientia ipso etiam fulgore videntur in corpore, intuentiumque animos ab oculorum aspectu invitatos, ad contuendam virtutis pulcritudinem transfeire. Et verò, quid illud dicam quod unum summum est, ceteraque quæ singi possunt omnia complectitur; sic hominem, Dei simillimum, Deo coniunctissimum mentis viuis, viuis cum Deo spiritus effici: potestne dignius, aut exoptabilius aliquid ex cogitari? atqui diuina illa, vel similitudo, vel coniunctio, tantopere his in humilitatis gradibus elucet, ut non alia magis ratione conflentur & existant.

C A P V T VI.

Eadem humilitas quam sit Religiosis necessaria.

QVæ diximus, omni hominum generi communia sunt: addam & quiddam nostræ Societatis, & Religiosis hominibus obseruatione dignum, vnde videant, absque his humilitatis gradibus, aut omnino, aut certè dignè in Religione perseverari non posse, ruinæque præparari, quid quid sanctitatis, huic fundamento non impositum, altius exculeris.

Verbo dicerem, absque illis nec ipsa (vnde tamen Religionis natura conatur) Religiosa vota seruari, nec socialis vita pacem florere, nec imposita munia utiliter exerceri posse: sed hæc singula perspicue demonstrari conuenit. Et primò quidem,

Paupertatis numquam is erit obseruator accuratus, qui secundo tertioque humilitatis gradu nondum exornatus, variatum rerum amoribus est obnoxius, & res duras perhorrescit: sic enim, vel commodorum desiderio, vel incommodeorum timore incitatus, eam rerum copiam sibi comparare conabitur, qua illic abundare, hæc declinare se posse crediderit. Quod si optata fructu retur euentus, nec habeat vnde sibi prospiciat, conditione prope modam infelicie vretur, iis adnumerandus qui necessitate, non virtute sunt pauperes, ac etiam deterioribus

bus illis, qui violatae paupertatis rei sunt: eam enim constat non sola rerum possessione, sed & ipsa cupiditate temerari.

Iam vero, ut omittatur veræ perfectæq; castitatis, vel parentem, vel conseruaticē esse humilitatē; id saltem in confessio relinquendum, non posse illam in eo homine stabilitam esse atque perfectam, in quo cupiditatū varius aestus efficeret: vnde illud etiam efficitur, in eo quoque perfectam esse non posse, quinō saltem ad secundum humilitatis gradum peruenierit. Si enim aliqua in rebus procreatis, vel sui vel illarum causā putat esse diligenda, quam facile est, ut cupiditate abducatur; abdusus, amorem inficiat suum; & sensim etiam (impotentes enim nanciscitur impetus amor) longius exorbitet, & in rationis gyrum aegrè reduci queat? At ille animus, qui nullius rei sensu, nisi è diuinæ laudis ratione hausto, tangitur, quinihil exoptat ardentiū, quam quibus suis modis etiam dirissimis in expressiōrem Dei similitudinem efformari, non potest nisi sanctissimis, omnique castitate purgatissimis desiderijs, vbertim efflorescere.

Sanè parum est Angelicæ, (quod passim dicitur) est etiam vitæ diuinæ meditatio, vita castorum: &, si *Incorrumpit facit esse proximum Deo*; annon proximum & simillimum Deo esse, est incorruptionem & castitatem consequi?

Perfectè vero obedientem, aut secundus & tertius ille gradus exhibebūt, aut nusquam in hominibus reperiri posse fatendum erit. Quis enim ad quævis abiectissima, humillima, dura & ardua, imperio maiorum subeunda, alacrior, constantior, perseverantior fangi potest eo viro, cui nihil in rebus humanis exoptandum, præter Domini sui Iesu Christi imitationē videtur? quem quoties cogitat: & vero, estne quādo nō cogiter? sed quoties eū suæ cogitationi perfectius obiicit, nonne continuo, splendidissimo admirabilis illius obedientiæ fulgore perstringitur, qua voluit summus ipse Deus, cuius imperij nec terminus, nec initia, nec finis esse potest, obedientiam fieri, & pro nobis sceleratis, perduellibus, propugniosis, omniq; flagitorum colluione fecundatis, obediens usque ad mortē & mortem crucis fieri, nobilissimamque & sexcentis mundis pretiosiorem vitam in eius virtutis cōmendatione ponere, cuius præ ceteris obseruationem diuino sanciendam iudicaret exemplo? Sed hæc indicasse sit satis: prolixum enim foret, si incitamenta, conditiones, rationesque obedientiæ proprias, ex his pendere, vel cum his humilitatis gradibus connexas esse demonstrarem, quod & satis obuium est, & potest quivis suoperte marre animaduertere.

Id erit autem sumeram, non posse socialis vitæ pacē absq; his gradibus florere, quod proprius intuitu perficuum est: nec enim alia villa re magis, quam caritatis amore, ac unius eiusdemque voluntatis coniunctione firmatur; lenitate coalescit; mansuetudine perennat. Nihil est eius hominis connictu iucundius, qui suæ nulli desiderationi adhaeret, nullam suam habet voluntatem, iudicia sua vel opiniones pertinaciū non fouet, in res quasvis modo à peccato immunes fleeti cereus, nihil exambit, nihil horridè detrectat, ad quosvis casus

O 3 im-

Sap. 6.

impavidus est, amicos gratè fouet, inimicos diligit, iniurias blandè tolerat, irasci & indignari nescit, cuius benefacere promptus, à quois mala pati promotor, adeoque nulli inuidet ut alijs quām sibi commodare malit, primas vltro desert cæteris, postremas referuat sibi: his omnibus amicitiae sanctæ illicijs, eius abundat animus, quem duo postremi gradus humilitatis exornant.

At vero, quis non videt dissensionis animorum causam ex varijs cupiditatibus existere? eandem rem duo diversi si concupiscunt, riuales sunt, inde & ritæ & inimicitiae, inde amicorum hinc & inde conflatorum factiones, contentiones, iurgia, detractiones, ac sè numero deplorandi exitus. neque id solùm, quāquam grauius, in ijs doleas qui communis seu mundana in vita, ventis remisique cupiditati velificantur sive: sed in ijs quoque qui Religiosam vitam amplexi sunt, accidere necesse est, nisi euagantem desideriorum suorum licetiam, seuero humilitatis huiusc lupato coercuerint. Quid enim? si commodi, si honoris, si rei alicuius viger appetitus, nihil relinquetur intentatum, donec optata liceat consequi: hinc furtum laetetur caritas, offendiculum alteri præbebitur, recte factorum laudes minuentur, exaggerabuntur virtus, occulta probra pandentur, intercessores ac fautores parabuntur, infinitæ denique, narrati que indignæ fraudes consuentur. idque omne uno ex hoc fonte profluet, quia nondum ad hoc deuentum est, ut nihil nisi diuinæ laudis maioris gratia diligamus, ut duriora potius & contemtiora, quām blandiora & honoriora cupiamus.

Moral. l. 25. c. 15. Qui patientiam seruare contemnit, inquit D. Gregor. socialem vitam citius per impatientiam deserit. Neque enim rūquam seruari concordiam nisi per solam patientiam vallet. Crebro namque in humana actione nascitur, unde mentes hominum vicissim à sua vnitate ac dilectione separantur, & nisi ad aduersa toleranda se animus prepararet, proculdubio humerus corpori non inheret. Hinc etenim Paulus ait, Inuicem onera vestra portate, & sic adimplebitis legem Christi. Ita ille.

Sed ad id quod postremo loco recensueram, veniendum denique est, non posse videlicet Religiosa munia absque his humilitatis gradibus qua decet virtus absolutione obiri: quod ipsum, ut à suo primo capite arcessamus, ex eo satis constare videtur, quod cum proximior Domini nostri Iesu Christi in humilitate ac paupertate, perfectionis que consilijs imitatio, Religiosa virtus sit basis ac anima; non potest, qui abs ultius humilitatis consecratione longius abiuerit, Religioso illo spiritu, à quo eiusmodi opera prodeant, abundare: nec de huiusmodi Dominu in dixisse credendum est, Posui vos vt teatis & fructum affratis, & fructus vester maneat; sed de ijs qui cum de mundo non essent, omnem spem suam cogitationemque, ab infimis & humanis ad supra & diuina transtulerunt: ideoque tantam suis operibus vim inspirant, ut nequaquam brevi peritura, sed in æternum permanens perficiant. Quod quoniam cuius Religioso propositionem esse debet, nece illi sunt amanda que ad speciem & ad breue momentum blandiantur, spectare in omni suo labore ac industria oportet, ut vel sibi vel alijs

alijs in vera semper solidaque virute prouentum aliquem curer accedere: quod cum nequam fieri possit, nisi in tuum ipsius alteriusve animum eos infixeris ad bonum aculeos, qui non facilè euelli queant, sicut in hominis animum penetrare & ad sanctitatem promouere, diuinæ sit potentia; non poterit id quisquam suis viribus, sed opitulante diuina gratia consequi: atqui hanc Deigratiam nemo impetrabit uberioris, quam is qui nihil suum in humanis rebus affectans, adeò diuini honoris amplificandi cupidus est, ut se omni honore exsoliatum, omnibus vitæ commodis extutum, ignominia, cruci, dolori, dirissimis quibusque in perpetuum libens addicat, dum vel sic similior crucifixo Domino fieri, aut diuinæ gloriae commode queat. At verò qui sui honoris aut commodorum etiamnum appetentior aut retinentior est, Deum revera & sincerè non quæreret, dum se frequenter quæreret: cumque permulta diuerfissima à Religiosis, & præcipue in Societate suscipienda sint, cum de subito calus varij emergant, quibus Religiosorum opera multipliciter est necessaria, idque perdiu, aut ad breue tempus, quo quis hoc, vrbe, regione, quovis tempore, quauis conditione, in rebus facillimis, difficillimis, naturæ gratis & ingratias, honorificis aut vilioribus, quam necesse est imperia esse impedita, quam molestas muniorum diribitiones, vbi deficere horum graduum humilitas reperiatur? ingrata, vilia, laboriosa, inhonorata vel non suscipientur omnino, vel grauata & imperfectè obibuntur, & celerius excutientur a nobis: iucunda, facilia, honorifica, certatim, ac fortassis etiam non sine ambitu, emulatione & fraudibus expetentur: & verò non ad perfectum, sed ad vanam quandam ostentationem, humanæque gratiae auctorationem inanissime fient. Inde, primò quidem blandientur multa, at denique iusto Deo vindice, & superbiae semper oblistete, funditus ruent omnia. adeò in Religione perennare nihil potest, quod non est humilitate fundatum. Quædam etiam huic Societati propria sunt, ut votorum varietas, profitendi dilatio, conscientia apud Superiorum rectio, defectum quorumvis per quemvis correctionis causa delatio, & alia istiusmodi; quorum usurpatio nemini umquam placere poterit, nisi eius animum humilitatis huius amor occupauerit. Sed non est cur in singulis haerem.

Est verò quod diligenter obseruat velim, non posse quieram, tranquillamque, & suo Religioso instituto dignam vitam ex perfectione traduci, nisi ijs exornetur moribus, potissimumque virtutibus, quas veluti fundamenta ceterarumque origines esse voluit is qui proprium illi vitæ generi spiritum inspirauit fundator, aut (vt verius loquamur) sanctus ipse Dei Spiritus. & hoc ipsum capite II. iam est a nobis probatum. Quare cum tantopere hos esse suis hominibus ad cruces expetendas necessarios animos censuerit B. Ignatius, quicumque ad eiusmodi virtutis perfectionem non aspirauerit, audeo dicere, & sibi & alijs est eritque grauis, & in Societate tua, sancte Pater, membrum est vel emorium, vel etiam pestilens. Ecce in veritate, & in Domino Iesu, dico tibi, mi frater,

ter, nisi tui ipsius existimationem omnem exuere, crucis, contumeliarum, rerum sensui & cupiditati contrariarum amorem induere conaris; dignitatum titulos existi, at Religiosum Societatis nondum induisti: illa sapienter detrimentum putasti, at Christum neendum lucifecisti; tua reliquisti, te restat ut reglinquas; in illo inchoatur, in hoc perfectio consummatur. Detribi largitor gratiarum Deus, det omnibus eiusdem sacrae militiae tirocinium ponentibus, ut quam in Societate necessaria est hæc rerum omnium suique contemtio, tanta ad eam indefesso, contento, sed & prudente conatu alacres euolutis, tirocinij que deinceps annis euolutis, in eiusdem virtutis progressu, utilem tota vita vestraria operam collocetis.

C A P V T VII.

Hanc perfectionem sibi ob oculos posuerunt Sancti omnes.

VNum quidem spiritum, omnia sanctitatis dona prout libuerit diuidentem, in Sanctis admiramus & agnoscimus, sed ea maximè promouentem, quæ ad sanctitatem magis necessaria sunt: quare, cum docente S. Gregorio, virtutes absque humilitate congregari non possint, nihil mirum, si quibus virtutum perfectionem, iisdem hamilitatem maximam infuderit sanctitatis auctor Spiritus. Delibemus è Sanctis nonnulla, quibus tanto efficacius quo breuius commendetur.

Causam & rationes persequitur D. Hieronymus epist. 32. scribens: Quamus mihi multorum sim conscius peccatorum, & quotidie in oratione flexis genibus loquar, Delicta iuuentutis mee & ignorantias meas ne memineris: tamen sciens scriptum esse ab Apostolo, Ne inflatus superbia incidat in iudicium diaboli: & in alio loco scriptum, Superbis Deus resistit, humiliibus autem dat gratiam: nibil ita à pueritia conatus sum vitare, quam tumentem animum & cervicem erectam, Dei contra se odium provocantem. Noui enim magistrum, & Dominum, & Deum meum, in carnis humilitate dixisse, Discite à me quia mitis sum & humili corde: & antè per os David cecinisse, Memenito Domine David, & omnis mansuetudinis eius. Et in alio loco legimus: Ante gloriam humiliabitur cor viri, & anteruinam eleuatur. Et D. Augustinus: Non aliam ibi ad capessendam & obtinendam veritatem viam munias, quam qua munera est ab illo, qui gressuum nostrorum, tamquam Deus, videt infirmitatem. Ea autem est, prima, humilitas; secunda, humilitas; tertia, humilitas: & quoties interrogares hoc dicarem: non quo alia non sint precepta qua dicantur, sed nisi humilitas omnia quæcumque benefacimus & processerit, & comitetur, & consecuta fuerit, & proposita quam intueamur, & apposita cui adhæreamus, & imposta qua reprimamur, iam nobis de aliquo bono facto gaudentibus, totum extorquet de manu superbia. Praeclarè & à pri-